

COMUN: Al vëgn lascé al savèi che en chësc ann vëgnel scrit fora y dé ia por 1 (un) n ann (inver 2016/17) **le sorvisc da desparé y ingiarè les strades y plazes de comun a San Martin/Picolin, Lungiarü y a Antermëia**. Chi che é interessá da surantó chësc sorvisc, dess presenté te comun anter les 12.00 di 24 de jügn 2016 na domanda scritta de gní invia ala gara de apalt. Tla domanda mëssel gní indiché por ci fraziun che le damanadú ess interes y al é da injunté ala domanda n elench dles mascins che la dita á a desposiziun por le sorvisc. Le sorvisc podará gní subapalté a n'atra dita tla mosóra dl 30%.

**La doturia Grete Mahlknecht é demez** dai 16 de jügn ai 03 de messé por ferias y vëgn sostituída dal dotur Eduard Agreiter 0474 523 315 / 333 13 80 852.

### PLOANIES SAN MARTIN Y LUNGIARÜ

Tla secunda pert de jügn vëgn ince en chësc ann indô **don Francesco Scalmati**, ploan da Osimo /Ancona (che vëgn bele da 30 agn incá a passé sües ferias a San Martin). Deach'al é gnü nominé da papa Francësch „**miscionar dla misericordia divina**“ se mëtel ion a desposiziun dles plonies dla Val Badia zelebran cun ères l'eucaristia y tignin ores de reflësciun sön la misericordia de Dî, stlujon jö spo sö La Crusc cun la mëssa y les ores d'adoraziun en mercui ai 29 de jügn. I ciafëis le program plü avisa sön tofla de dljia y sön la plata internet dl'Unité Pastorala Val Badia. Al vëgn dër bel invié da tó chësta ocasiun y da tó pert ales incuntades te osta ploania.

**Marcia francescana dala Val Rieti a Assisi:** dai 25 de messé ai 04 d'agost vá jogn y jones a pe cina Assisi a festejé adöm la festa dl pordonn (Portiuncola). N grup de ca. 30-40 porsones da Südtirol y dl' Austria pëia ince ia da Balsan. An vá 6 dis a pe por ca. 5-6 ores al de y al vëgn dormí te scores, convënc y alaleria, Le cost é de 295 euro. Jogn y jones dai 16 ai 40 agn é dër bel invia da fá chësta esperiënza! Info [www.laverna.at](http://www.laverna.at) o: [stefan.kitzmueller@franziskaner.at](mailto:stefan.kitzmueller@franziskaner.at)

Consëi de Formaziun La Val : Al vëgn chirí cosses de secunda man da vëne y trá ite spënores por paié le **fit dl cuartier de siur Heinrich Videsott**. Le patüc é da condüje tl Pice Salf a La Val, ai 15 de messé dales 8.00 ales 11.00 y dales 16.00 ales 19.00; le marcé sarà spo dai 16 ai 24 de messé, vigni de, tres dales 8.00 ales 11.00 y dales 16.00 ales 19.00. Por informaziuns cherdé sö 0471 843 182.

### SAN MARTIN

L' uniu di Èi lascia al savèi che en dedemesaledema, ai 15 de jügn, dales 17.00 inant vëgnel **sié la cortina**. Al vëgn porchël dër bel perié chi che á dlaurela da gní a daidé sié. En caje de bur tëmp vëgnel sposté ala jöbia.

### LUNGIARÜ

Prëibel do le **contribut por la ploania** de 20 euro por porsona, tuc fora i studënc, che vëgn trat incö domënia 12 de jügn do mëssa te calonia.

La Uniun dl Sport da Lungiarü organisëia le **Torné de Calcetto dles Uniuns dl Comun da San Martin** incö domënia ai 12 de jügn tl ciamp dl sport da Lungiarü. Le torné metará man dales 10.00 y al sará ince la poscibilité da marné.

Sorvisc ai Jogn Val Badia: por studënc dles scores altes **Iade d'aventöra a Jesolo** dai 18 cina ai 25 de jügn adöm cun 15 jogn y jones dla Val Badia. Tl prisc de 280 euro él laite: iade, acompagnamënt, ativités, suranöt y mangé. Por otedé plëgns de divertimënt , aziun y palsa prenotëiete pro le Sorvisc ai jogn 0474 523 270 mail: [info@jogn.org](mailto:info@jogn.org)



[www.unitepastorala.org](http://www.unitepastorala.org)

# Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - [ploner.jakob@aruba.it](mailto:ploner.jakob@aruba.it)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**12.06. - 19.06.16 nr. 29**

termo da publiché: jöbia 20.00  
radio: 90,40 / 93,70

## 11<sup>a</sup> DOMËNIA IA POR L'ANN - C

### Vangele do San Lüca 7,36-8,3

Canche na picíadëssa, che viô tla cité,  
â aldí che Gejú ê tla cíasa dl farisê pro mësa,  
éra gnüda cun n bochè d'alabaster plëgn  
d'öre parfomé y ti é jüda do prò pormez.  
Lapró pitára y sües legremes tomâ sön  
sü pîsc. Ara assuiá sü pîsc cun sü ciavëis,  
i bajá y i unjô cun l'öre parfomé. Da odëi  
chësc, se ponsá le farisê che l'â albü invié;  
Sc'al foss veramënter n profët, messéssel  
savëi, cí sort de ëra che le pëia ite;  
al savess ch'al é na picíadëssa.  
Dailò s'â Gejú ôt ia da d'ël y á dit:  
Scimun, i oress te di val' ....



*An ne pó nia dí de ti orëi bun a Chël Bel Dî y ai atri, sc'an azeta ma ci che plej.  
An ti ó pormó bun a zacai sc'an ti ó bun daldöt y azeta ince ci che destürba.  
Sc'an marida zacai, ne maridun nia ma sües beles perts, mo an messará ince  
soporté chës perts che ne plej nia, le rosslé, le tof di pîsc y cotan d'ater.*

*Chësc podess significhé i pîsc tl vangele da incö. Al ó ince ester: orëi i pîsc  
d'assoius, les deblëzes y i fai dl ater. Sc'i ti ó bun, mëssi ince azeté chël.  
Y spo él chiló les mans de chësta ëra che se dá da fá. Sc'i ó bun daldöt, mëssi  
ince me vaghé les mans y brancé ite, y nia ma ciaré pro.*

*Y spo él chiló les legremes de chë ëra: ara mët ite döt so cör, ara s'un pó mal  
de avëi ofenü y chir la reconziliaziun, ara compatësc y sofrësc impara.  
Y spo ára pro ëra na picia boza d'öre bindebó cer. Sc'an ti ó bun a zacai,  
pon ince s'al lascé costé val'. N amur che ne conësc degun sforz y degun  
sacrifize, sofia tosc t'l'ingordia.*

*Pro l'öre, che chësta ëra á porté, alda les mans che pëia ite cun finëza, les  
legremes y tambëgn ince le baje. Chëstes cater cosses, sperí, che tieches da  
orëi bun, deache cun i ciavëis ne sciafia nia vignun da mostré so amur.*

	SAN MARTIN		LUNGIARÜ
12.06.16 11 <sup>a</sup> DOMËNIA – ANN C	9.00 Corona 9.30 Gran Mëssa dla comunité 13.30 Prozesciun sö La Crusc ex voto dala Cialciara 19.30 Corona al Cör de Gejú sö Ju	12.06.16 Domënia	7.55 Corona 8.15 Gran Mëssa dla comunité 15.00 Corona tla capela da Seres
13.06.16 Lönesc <i>Antone da Padua</i>	11.00 Mëssa a Picolin di Toni-Mandlan da Kaltern 19.00 Prozesciun a Picolin en onur de Sant Antone por n bun isté de munt + Giovanni Vanzi + Nando Flöss ++ Videsott	13.06.16 Lönesc	
14.06.16 Dedolönesc <i>Meinrad, Fortunat</i>	14.00 Vijita ales families Gran Ega y Picolin defora <i>da sëra degöna mëssa</i>	14.06.16 Mertesc	
15.06.16 Dedemesaledema <i>Vi, Germana</i>	8.00 Mëssa de rengraziamënt dl ann de Scora + Severino Zingerle ++ siur Merch Graffonara y Anna Zingerle + Maria Baldissera	15.06.16 Mercuri	
16.06.16 Jöbia <i>Benno, Iustina</i>		16.06.16 Jöbia	8.00 Mëssa de rengraziamënt dl ann de Scora + frater Lino Mischi + Franz Clara, mone ++ Veronica y Franz Costa
17.06.16 Vëndres <i>Rainer, Adolf</i>	18.30 Adoraziun chita 19.00 Adoraziun al Cör de Gejú	17.06.16 Vëndres	19.30 – 20.30 Ora de reflesciun cun don Francesco sura la misericordia divina
18.06.16 Sabeda <i>Filize, Simplize</i>	15.30 Mëssa tla Ciasa de Palsa 18.30 Mëssa prefestia ++ Giovanni y Maria Verginer, Chessl dl ann + Berta Decassian Köfler de rengraz. Erna Frenner	18.06.16 Sabeda	20.00 Mëssa prefestia dl ann + Sabina Clara ++ Johanna y Anastasia Schanung + Scimun Mischi
19.06.16 12 <sup>a</sup> DOMËNIA – ANN C	9.00 Corona 9.30 Gran Mëssa dla comunité 19.30 Corona al Cör de Gejú sö Ju	19.06.16 Domënia	7.55 Corona 8.15 Gran Mëssa dla comunité 15.00 Corona tla capela da Seres